

聖宋名賢五百家播芳大全文粹

六

聖宋名賢五百家播芳大全文粹卷第二上
表

慰表

慰國哀上 皇帝表

司馬溫公

旻天降禍仙馭上賓奉訃哀悼罔知所措伏以 太皇太后作配
仁祖聽政英朝洪基所以固安景命由其保佑風化形於海內德
澤結於民心宜永享東朝之尊長膺天下之養而中壽未至大期
有終哀纏兩宮痛淚萬彙恭惟 皇帝陛下孝心罔極號慕難拘
瞻內寢以如存追慈顏而靡及伏望上為宗廟之重下庇烝民之
生少抑聖情俯就中制臣忝列郡不獲奔赴闕庭瞻望哀極

慰國哀上 皇帝表

蘇子瞻

慟發六宮悲纏九土奉諱哀殞不知所云 大行皇太后德冠三
朝化刑四海獨決大策措天下於太山之安退避東朝復明辟為
萬世之法奄終壽祿莫曉天心恭惟 皇帝陛下仁孝自天哀傷
過禮惟聖達節豈復行曾閔之難以民為心則當法舜禹之大願
少寬於追慕庶下文及於臣民臣以外郡居住不獲奔赴闕庭

慰國哀上 皇帝表

劉忠肅

臣某言伏奉四月一日遺制 大行皇帝留位盛時還神太極詔
發一日哀纏萬方伏惟聖情何可勝處大行皇帝德書上下澤春
華夷禮樂文章越四十年治矣政刑風采曠數百歲無之民方父
於至仁天宜子以曼壽宮車奉諱臣妾無生伏惟 皇帝陛下隆
孝儲思巨創抱痛忍革寢門之問勉扶翼室之居唯天性之賢固
為哀而已甚然聖人有訓貴循禮之大中伏願斷私於情立公以
義對寶臯之所屬一羣心而有歸

慰國哀上 皇帝表

曾子固

承問震驚馬失容號慟伏惟 太皇太后表儀三世德首於人倫保
佑兩朝功存於王至遠違孝養未究遐齡無間近踈實均歆慕
伏惟 皇帝陛下痛貫宸極聖情難居臣伏恨方守印章不獲躬

詣闕廷

慰國哀上 皇帝表

蘇子由

母儀淪喪率土震驚 大行皇太后定策艱難之中力辭政務之
要功存社稷德及生靈奉諱之初痛心罔極伏惟 皇帝陛下
以天下為養遠有終身之憂孝愛兼隆哀慕日遠臣又居謫藉
此召還感恩至深奉慰無路

慰國哀上 皇帝表

趙德莊

訃傳朔守痛極天倫餘澤深長函靈摧慕 中慰孝慈淵聖皇帝生
知勤儉體備仁明出履多艱蓋天時而非人事有開再造繫聖德
之在民心愴赤水以忘歸望烏號而無所恭惟 皇帝陛下瞻思
積久傷怛過宜雖愛自因心遠結孔懷之念而功光傳序足歆如
在之靈少抑至情以福方夏臣無任

慰國哀上 太后表

劉忠肅

大行皇帝不天斯民遂仙大駕訃遺無外哀入有生伏惟聖心何
以勝處大行垂令盛德曠古太平大一百歲之基明而有述身四
十年之治安以無誅謂有堯之仁必有堯之壽豈期一旦忽棄萬
方人心畢摧天理孰詰恭惟 太后殿下拱母儀之重扶天德之
明義隆三綱位變一極痛尤先於臣妾哀兩著於國家願少抑於
過情用終全於中制

慰正表

蘇子瞻

嗣歲將興雖有作新之慶舊穀既沒共深追遠之思凡在照臨舉
增懷慕中謝恭惟 皇帝陛下道躋堯禹行比騫參方受圖於三
朝明發不寐念御簾於雙日孝思奈何幸寬罔極之哀少副有生
之望臣限以官守不獲躬詣闕廷

慰冬表

毛伯頴

七日來復三務成功方晏景之迎長增聖情之追遠中謝恭惟
皇帝陛下憂勤嗣服淵默臨朝雲物呈祥慨堯心之永慕羹璫在
望黃舜孝於無疆願抑至懷早據宿憤臣以職守在遠不獲瞻望

闕庭

慰掩 皇堂表

趙承之

臣某言准進奏院報今月某日 太行皇帝永泰陵掩皇堂者因山成禮復土告期音容莫追號慕永絕中烈恭惟 皇帝陛下痛貫宸極聖情難居臣以守職在遠不獲奔詣闕庭臣無任悲慟隕越屏營之至謹奉陳慰以聞

慰山陵禮畢表

王介甫

須首祀之材已襄葬故設九虞之主方考祔儀伏惟 皇帝陛下德懋欽明道隆勤孝雖送終之禮已備而追遠之念甫深惟順變以抑哀實念生之至願臣限分鎮守阻預班朝

慰山陵禮畢表

宮車云返陵邑既營凡在照臨豈勝摧慕伏惟 太皇太后道作坤育仁出天成永懷愛孝之隆尤積悲恫之感稍舒慈念實慰輿情臣叨備從官限分符守徒有攀號之至痛初無辨護之微勞

方二上

三

慰祔廟表

七月而葬既克奉於寢園萬世不祧遂崇成於廟室凡居覆壽罔盡攀號伏惟 皇帝陛下膺保聖神踐行仁孝纏哀罔極率禮無違仙遊既集於宗初聖念彌勤於翼至仰祈順變俯瞻含生臣符守所攬班朝莫預

慰祔廟表

威靈有集方祔於廟祧感慕無窮外覃於蠻貊伏惟 太后比賢任妙協慶塗華祗協孫謀克襄大事地非蒼梧之遠勢有霸陵之安唯割至文尚膺遐福臣備官有守奔問無階

慰祔廟表

趙承之

臣某言伏准進奏院報今月某日 哲宗謚號皇帝神主祔廟禮畢者易奠以虞既備送終之禮寧神於廟益增如在之儀凡逮照臨詎勝感慕臣某恭以 哲宗謚號皇帝道存撫御躬致憂勤念甫閔於玉衣遽永藏於宗祏伏惟 皇帝陛下孝深罔極痛切

因心願少抑於聖懷庶大安於民望臣以守職在遠不獲奔詣闕庭

慰申王薨表

歐陽永叔

伏以申王德文位宗王爵地重宗藩遠近有明時奄然殂謝恭惟皇帝陛下仁親九族孝治萬方成服發哀恩隆禮備臣忝居侍從遠守詔條不獲躬詣闕庭以伸莫慰

慰鄂王薨表

宋子京

皇閣纏哀慶支掩秀詩傳中夏慘結羣心中謝恭以皇子鄂王生賦敏齊日升令秀弗俟祿教自疑天資已疏采於朱維方竚華於倉震而霄寓生殄星躔隱暉休精上還翼子中奪伏惟皇帝陛下念深祀邕悼結睿矜徒重軒渠之憐靡逮溫文之就夭壽有底悲傷奈何伏望推理於難謀割慈於無益漸平鯁惻專育粹純况宗稷流光春秋鼎茂已告功於晏食安方受報於繩繩今此悼懷幸寬至愛臣限分符第方隔禁聯憂悃飛馳臨文悵塞

乞聽斷表

皇天降罰慈極上賓孝思痛貫於宸衷號慕忍違於京次敢即道揚之命祈從聽斷之權陛下誠格兩儀行高百代久以天下之養娛于太上之尊忽大故之非常實有邦之不幸嫫嫫在政聖情深固極之思瞿瞿如求至性越有餘之戚臣心震懼國事浩繁爰指掌故之儀且及宅憂之位伏望禮存中制喪抑過哀服成三日之餘暫回帷殿躬攬萬機之外時奉總筵庶俯慰於羣情亦仰承於遺誥

乞聽斷表

冒貢封章懇祈臨政皇情深測詎日弗俞存申迫切之誠異動崇高之聽竊以天子之孝異乎匹夫聖人之心先於達節雖在諒陰之戚亦思付託之艱俯以從權勉而決事陛下道兼倫制性盡愛欽慈庭初爽於豫和鑿輅益加於定省不脫冠帶憂勤備罄於武王如見羹墻號泣遠終於舜帝宮闈感慟朝野哀摧仰知

孝慕之無窮伏念卹章之有紀矧此遺留之訓具存聽覽之期願
勅乘輿姑還翼室舉音而臨殿中自有於漢儀作命以言臣下庶
承於商令茲爲順變望賜矜從

乞聽斷表

喪無二事禮有從權瀝血書辭既竭愚誠之至羣僚躬拜命未
回聖孝之皇皇上念邦家之閔憂次慮軍國之重大敢陳三瀆庶望
兩全仰惟慈皇新弃至養寢門近止思問膳以無因前殿歸然欲
奉卮其何及此淵衷不堪於哀痛而庶政多暇於統臨然而道貴
適中孝先繼志若稽夏則代參攷本朝行宮中三年之喪自應古誼
決天下萬微之務皆徇時宜 陛下德並重華義殊訪落朝于未
央者二十六載亘古所無慶于德壽者八十一秋在今何憾願體
付託得人之訓深裁悲憂過制之情趣素帷以還官御清廂而聽
事欲報之所莫大於斯

乞聽斷表

伏讀訓辭未親政事再命三命而俯僂何敢黷煩一日二日之幾
微豈容但已臣聞自周而上何必高宗之亮陰由漢以來遂有文
帝之制度雖云易月之令不廢終身之憂徒以門內之恩特爲天
下而屈 陛下受天至性執古通喪率禮無違慕親罔極齋蔬之
服饘粥之食皆與下同顏色之戚哭泣之哀獨由中發茲誠創鉅
而痛甚然念業大而事業叅苟徇三年之不言曷俾百官之承式載
惟歷世之主率用權時之宜非不知行道之人皆弗忍也蓋亦本
先王之制俯而就之 陛下酌祖宗之常行爲社稷之大計駕還
廣內豈必日見於羣臣國有繁機姑願躬裁於急務別尋尋典
請聽治朝

乞聽斷表

孝大憂深情難抑奪誠微詞淺意未宣通呼天號鳴無地貢越
本朝恤典具垂列聖之規太上仙遊預播大行之旨凡今啓請悉
出遵承惟是北宮遠於南內方仰倚廬之慕敢祈行殿之還第緣

機務曠弛之多且復宿衛暴露之久今則叢塗已畢練祭繼陳儻爲大政而暫回則於孝治而無闕伏望痛裁京毀深念艱難體我光皇親授神器尚虞國事妨於五日一朝之中豈欲邦彝廢於千秋萬歲之後惟勤愛日之治實慰在天之靈天詞已窮得請迺止

乞 御正殿表

永言孝思勉即西廂之決率循大辨當臨南面之期敢冒威尊敬陳悃悞 陛下以堯爲父盡舜事親久依黃屋之非心忽愴白雲之賓帝儼然經杖雖更練祭而弗除潛然涕洟每念大恩之難報間從素幄廷對輔臣急先之務則必聞極辨之儀所未暇在廷百執誓首一詞謂天固不言而四時行然辰必居所而衆星拱直臨端序庶慰羣情伏望順變節哀體元居正與其具禮闈門之內不忍斷恩孰若親事法宮之中允爲繼志願垂俞旨早復彝章

乞 御正殿表

國遭變禮已用易月之期朝有常儀未舉文陽之義懇祈莫遂震惕靡遑切觀上古之遺書備著成周之恤典延之翼室具嚴臣子之宅憂出在應門登進公侯而聽命茲爲萬世之法則蓋得一時之經權 陛下執古御今因親教孝復先王之制異武帝之空言執君子之喪過曾參之實行自經其練合視昕朝方且皇皇於衰經之中何暇穆穆於嚴廊之上迨更祥禫已盡情文哀已極於其餘過將猶於不及願誓申德曲徇下情負采而位明堂時俯臨於百辟釋冕而反喪服內自致於三年率由舊章用答光訓

乞 御正殿表

喪期有數當御外朝孝慕無窮尚堅中詔惟主明以理可奪蓋天高其聽甚卑敢暨百家躬冒再三之瀆冀從九陛日瞻咫尺之威切惟古禮之難行蓋以後王之多事若五月居廬而戒命未或有或三祀亮陰而恭默不言則必上發朝廷之儀何由臨軍國之務是以歷代皆從權且迨至我朝始參故實外循易月之令內盡

通喪之情然而成服以還亦勉親於庶政既練之後乃延見於羣
臣陛下欲重報於先皇悉增隆於舊制自我作古蓋將垂法于
百王示民有終豈特加人之一等願導彝典少抑至懷亟發綸
言尊臨黼座兩盡夢為極達孝全於武王四方來觀同心戴於舜
帝

辭免表

儲君

辭升儲表代

晏元獻

臣某言伏覩內降制書以臣為皇太子者初聞中旨但集於悚兢
退省辱資不遑於寧處敢陳丹赤上瀆威顏臣某中謝臣聞易
象垂文戒立身之非據聖人敷化貴育物之得宜小言而大祿者
猶謂冒君德薄而位尊者孰允公議而況元良之建盛典素隆震
豫離明載前聞於八象星暉海潤昭茂實於兩儀必英譽之有聞
則具瞻而斯協伏念臣性惟庸昧識謝周通毓質天庭幸依於累

方一上

七

善蒙榮貴極豈著於盛猷恭惟 尊號皇帝陛下受命紫清集
符溫洛協三靈之不佑臻萬國之同和乃眷本支荐加寵秩而自
啓封淮甸胙土江吳列尹正之崇資陟盤維之峻級兩宮視膳日
奉慈嚴六學傳經時親典誥喜因心而盡禮樂覃思以知新漸異
組修用符訓導敢謂宸襟過聽綸詔頒將闕儲闈俾膺睿渥
側聆布告增惕神媿覩眉目以何施蹈冰淵而靡措蓋念邦家名
器詎可以忝塵君父生成諒垂於保庇僅微因之驟及諒頑鄙以
曷勝矧在幼冲方期勗厲將何以雍容鶴禁表貳桂宮翊贊嘉
謨遙辨壽街之牘詳求多士勞延望死之賓虔仰昊穹載陳悃悃
伏望 陛下軫彌高之聖念推善貸之深仁察以妙齡蓋非飾讓
寢茲茂式協乃慎徽則赫赫昌朝咸契大中之化區區稚質俯安
若厲之誠冒昧自陳期於得請

辭升儲表代

臣某言臣自沐徽章再陳封奏誠雖極宸聽未迴仰批諭之

猥臨積斆慙而匪據臣其中謝伏以量力度德立身之格言授才任能有國之通制而况明離者象蒼靈垂文聿崇守器之規仰協重輪之詠必資盛德用贊大猷伏念臣植性迂踈秉心蒙滯萬期嘉會託留漢之靈源千載昌辰荷慶雲之洪陰伏惟 尊號皇帝陛下纂承真系茂聞不圖泥金薦禮於蒼昊旻錫壤推仁於宗緒上公進秩半楚疏封俾陟上庠欽聞雅誥眷言天會存啓藩維漢節誕頒夏璜昭錫奉日嚴於溫清慕時習於練緗若業寡聞冒榮爲愧遠荷紫清之命越升儲兩之崇風日下聆神規增駭疊陳丹款願寢洪私天監彌高綸言益厚冰淵自處彌劇於九回肺腑虔祈難逃於三瀆伏望 陛下廣至仁之茂育推妙道之善成俯降堯曦旁回禹律特收渙汗爰示於撫臨冀息踰涯庶安於庸陋由衷所極得請爲期

宰相

辭免左丞相進封許國公表

周 丞相

登備鼎司久當策免晉持魁材倏奉庭揚籲天神不稱之詞伏地拜弗俞之詔鴻私溥博孤跡凌兢臣中謝臣聞受才有洪纖賦質有良窳扶明堂者資梁棟安用條枚薦清朝者須鼎彝竊寧參元礫力不勝任人將汝瑕伏念臣根闌材微斗筭器小際會光華之且追陪寅亮之睽罪功宜詔賞誅漫無可不敢鄙當明黜陟殊惜抑揚觀已事之如斯豈後圖之足責敢謂羣賢之進遠叨上宰之除有次輔雖不備官理焉何損無成勞亦今賜位臣也胡顏爲國計以牢辭非身謀之獨審伏望 皇帝陛下謹於圖任監乃知難外求嚴允之英內選朝廷之雋俾居三事庸長百寮遜于及斯伯與敢忘羣首有若闕天號叔尚助迪威從欲之仁鞠躬以俟

辭免左丞相進對許國公表

周 丞相

銀臺入奏力辭端揆之崇鑾羣鳥批章特垂王人之重雖負承命抑懼環官敬陳確至之言疊冒穹隆之聽臣中謝臣聞位高者智愚難辨任久者賞罰易行九載之績不成當從懸殛三考之明

弗陟孰匹舜功如臣無堪被遇最蚤越自嚴徐之列進陪夔契之遊碌碌政途殆彌數歲容容宰路仍陟再葺論其時則已多責其効則何有未能引去始俟汰歸今乃位充元輔之久虛秩序文階之一品既殊試可更異黜幽况故官不許復居而新渥又為非據進退交違於小誤勸懲有累於大公伏望 皇帝陛下旁燭忱恂敷求後傑貸妨賢之往各審佐聖之良圖謂如髮之引千鈞其誰云可因循墻而起三命亟報曰俞忱辭已竭於肺肝察允尚收於綸綍

辭免丞相表代

張文潛

不俟駕行既已驅馳而至疇若予采復膺考慎之求在明王圖舊之意則深於愚臣陳力之義則過中謝伏以二聖求治歷年于茲忠厚之澤足以傳之無窮仁孝之誠固已格于上帝守此成憲底于太平加以左右輔弼之臣蓋極老成俊乂之選向圖次輔之虛位乃復召臣於守藩茲蓋伏遇 皇帝陛下廣度兼收至明洞照察其疲驚之不逮出於悃悞之無它意其先之教忠恐或老而更事責以來效用之不疑上副眷求敢愛竭盡而臣伏自念念固非飾辭形骸已衰心力隨耗雖輔相重任不欲捨其舊而新圖然衰疾交攻豈期老將至而耄及雖至仁之曲被碩公議之謂何天下豈無嚴允待招之賢朝廷委質之彥與之圖國足以格天而臣已試之效可知將老之誠彌切不能就列辭敢避於再三因是得人功猶期於萬一

辭免右丞相表

留丞相

政地充負未即國功之謫斯庭出命忽陞次輔之聯念甫控於危衷莫遽回於淵聽寵非素望義人終辭臣中謝臣聞人主之職論相以為先邦家之基得賢而後立上稽于帝下逮有唐或都俞吁咈以成謨或輔贊彌縫而藏用皆極天下之選用圖治績之熙爰及 皇家益難柄任取諸人望不猶愈於商周播在聲詩又何殊於夔契中興而後巨公相望開闕成祀夏之功右左大格天之烈

書子簡冊光若日星仰惟真寶之朝尤謹疇咨之始未聞僥冒有
若踈愚小有材而登廟堂奚堪任重遠無慮而寧壽惟怪鳥可責成
伏望 皇帝陛下大廓皇明深為國計奮庸庸而宅百揆宜先四岳
之詢寅亮而弼一人當遴二公之選不容輕授庶協公言

辭免右丞相表

留丞相

制麻初下既陳控免之章詔綽屢頒未拜允俞之命敢再三而
懇請異萬一之聽從臣中謝竊惟宰司左右之職均任天下安危
之寄官非必備才必求全如傳說作相於商宗獨負而自足召公
為保於周鼎並用以相維要在得人俱能底績有如臣粗知末學恪守愚忠
識不足以達夫事機謀不足以斷夫國論在於進退何有重輕矧
惟當軸之元臣蚤負濟時之遠略克當倚任豈假踈庸伏望 皇
帝陛下念擇相之惟艱於掄材而加選元首首喜而股肱起願持不
息之誠應龍升而雲霧興當得非常之佐共成大業永底不平
毋懷反汗之小嫌庶定保邦之大計

辭免右僕射表

劉 莘老

揆席又虛治廷敷號猥及非才之錄大驚羣聽之公敢冒至恩輒
忘素守臣中謝竊以論相雖人主之職得賢乃太平之基必先全
德之老成或待遠方之特起伏念臣本繇疏賤叨實顯嚴備數迹
臣或進帝王之說與聞大政願斯禮樂之文堯作章而既成漢分
符以方重謂且簡斥更辱延登夫褒德者天下之大公而竭節者
人臣之常分念蚤塵於機要已久席於高華多事屢遷乃能畢
力威望匪重將取侮於四夷智略更疏無可言言之十事苟從昧進
曷慰具瞻僅選於衆而求之多出於臣之右者伏望慎名與器以
尊朝廷詔德選勞以勸臣下俛徇富平之懇曲成考父之名收還
過恩庶允請議

辭免右僕射表

敷告于庭疇咨以位惕然敬焉汗浹於愧顏中謝竊以師長百司位
隆於端揆權輿大政地重於西臺進德則朝廷尊當賢則臣下服

而臣學不足以斷國論才不足以達事經幸奉恩私私且留歲月
處非其據者已久受過其量而莫勝方與引分之言舉道妨賢之
責敢期函垢更使代工儻懷苟得之圖妄作自賢之行公器不嫌
於多取豈曰知難高位必致於疾顛安能圖報上則詒盛朝之累
下則躡衆正之賢伏望別擇臯夔改圖丙魏登真宰路使秉國
成大明庶物之情不奪匹夫之志還收渙渥以息煩言

辭免右僕射表

劉 莘老

微志未伸誠言難止儻獲安於名分其敢追於典刑中謝恭以
國家之輔相難其人臣子之進退必以道蓋治忽之所由繫而榮
辱之於是生臣遭會四朝周旋三禁感旣忠義常見古人白壁
不爲之非風采功名愧乏大臣嚴石具瞻之望略無報効久俟譴
何詎聞猷告之音擢實宰司之重力不勝任實憂代斷之必傷區
而升高將有拍頂而見笑下招覆鍊之辱上玷知人之明况有朝
堂之耆明而多中分之俊艾改疇公望乃協師言伏望昭鑒至誠
保全晚節使哭盟者不至於溢植弱者亦足以支特反誤知庶無
虛授

辭免僕射表

王 介甫

賞典越踰訓辭稠疊澳汗所被足爲至榮朽材難勝更以多懼
輒輸危懼敢冒威尊中謝竊以左相位崇東臺地要雖置負而又
曠蓋受任之常難臣晚值聖時又妨賢路奉揚成命螽力困於負
山敷釋微言彘知窮於測海方謹訶之爲畏豈寵獎之敢圖忽此
兼叨優無前比深惟淺薄仰累休明伏望聖慈俯照愚款斷從公
論追寢誤恩豈惟私義之獲安寔亦物情之歸允

辭免僕射表

恩之狎至鄙守難移敢冒德威更陳私義中謝竊以高秩厚禮以
醜莫盛之勳勞綿力薄材豈稱非常之爵寵人之所畏物有固
然臣誤見知而涉世多於衆毀論材受任而居官無以自昭願惟
屈首受書幾至殘生傷性逮承聖問乃知北海之難窮比釋微言

更悟南箕之無寔疏榮特異揣分非宜苟叨昧以自安懼譴尤之
隨至伏望 皇帝陛下俯矜危拙曲賜全安不以反汗之小嫌為
能累國則是捐軀之大節實任報君

參政

辭免參知政事表

官高祿厚誰不願居才薄力綿自知弗稱輒布由衷之悃荐干難
犯之威臣中謝伏念臣起於寒鄉適際興運樸忠自信介立無聞
靜惟一紀之叨踰悉出九重之簡記方從帥閫復上禁塗越月通
班未効錄勞之補自天出綽遠容國論之倍矧當政刑間暇之明
尤重股肱忠力之寄豈同心職或許冒居既據蒞以知危敢循墻
而力避伏望 皇帝陛下圖內外之無患念后臣之克艱博選真
才以當隆委收誤加之雜溼亟賜俞音俾無似之孤蹤復安舊著
陳辭既竭得請尤榮

辭免參知政事表

歐陽永叔

職參論道宜極選於一時授匪其人實駭聞於眾聽恩榮所被踞
躋難安中謝伏念臣本乏材能徒緣幸會列于侍從白首無聞置
在樞機素餐已甚雖聖主之恩天地曲示含容而朝廷之事毫釐
動關利害豈止曠官之誚每懷誤國之憂矧惟政事之臣實代天
工之任俾之贊貳且擇材賢伏望 皇帝陛下收誤獎之恩廣僉
諧之訪潤疲駑之已試備見無庸求俊又以在庭擢之不次俾獲
安於舊職冀免速於罪辜報効之誠殫瘁後已

辭免參知政事表

王介甫

才薄豈輕恩隆責重敢緣聰聽冒進忱辭中謝竊以建用宗工與
圖大政以人賢否為世盛衰矧休運之有開須偉材而為輔豈容
虛受以誤明揚如臣者承學未優知方尤晚先朝備位每懷竊食
之慙故里服喪重困采薪之疾 陛下紹膺皇統俯記孤忠付之
方面之權還之禁林之地固已人言之可畏豈云國論之可知敢
被寵臨滋懷媿恐伏望 陛下考慎所與燭知不能許還緣恩以

允公議庶少安於鄙分無或累於聖時

樞密

辭免樞密表

葛謙白

擢預斗樞揆瑣材而弗稱冒干天聽冀成渙之復回仰勤溫詔之
頒尚覺俞旨之闕敢殫愚悃存瀆聽聞臣中謝伏念臣世受國恩
身逢聖旦擢第於隆興之初載入朝於淳熙之二年徧歷清切之
班盡出生成之造禁塗入告尚無以效千慮一得之愚有命所基
豈足以贊二軍五兵之運當聖神之在御值邊境之無虞真尤資
克壯之猷以壓未形之患况宰執之並命聳兵民之具瞻豈繫妄
庸亦叨東掖念公言之可畏顧私義之未安班著之峻則有非據
之憂家諱之嫌則有冒禁之媿進退惟谷僂僂循墻儻貪得而弗
思殆疾顛之是懼伏望 皇帝陛下仁天洪覆智日溥臨謂股肱
開國體之崇豈宜輕授察斗筭非哭置量之大必至易盈追還已漫
之恩益盡至公之選臣無任

辭免樞密表

汪彥章

入參朝筭方俟黜幽進長樞筵更叨圖舊仰荷褒揚之過實深
盈滿之憂敢布腹心仰干旒冕中謝竊以聖主之用人也必量其
材之所至忠臣之事上也先度其力之所宜故為之上者靡傷知
人之明為之下者得逃曠職之累一失此道兩乖愆宜如臣者初
乏經綸特緣遭遇二紀服周行之末一朝居多士之先昨叨近弼
之除已過平生之望豈有方更於晦朔居然躡次於鈞衡雖至無
知敢忘自揆伏望 皇帝陛下以降寬盡物以獨斷馭臣知愚誠
蓋出於由衷於成命何嫌於反汗別求賢佐共圖宏濟之功毋使
孤蹤益重疾顛之禍

辭免樞副表

歐陽永叔

成命始行驟驚於衆聽撫心增懼曾莫以自容中謝竊以樞要之
司朝廷慎選出納惟允實贊於萬機禮遇均隆號稱於二府顧任
人之得失常係體之重輕苟非其材所損不一伏念臣器能甚薄

風力不強少喜文辭殆浮華而少實晚勤學古終迂闊以自愚而
自遭逢盛明擢在侍從間嘗論天下之事言出而衆怨已歸思欲
報人主之知智短而萬分無補徒措危躬於禍外且每煩聖造之保
全既不適於時宜惟可置之閑處故自以還禁署逮此七年屢乞
方州幾于十請溘愚誠之懇至被明詔之丁寧雖大度并包猥荷
優容之賜而羣賢在列敢懷希進之心豈謂伏遇 皇帝陛下急
於求人思以濟治因柄臣之並選憐舊物以不遺然而致遠之難
力不勝者必速其覆量材不可能自知者猶得爲明敢冀睿慈矜
其迫切俾回渙渥更選雋良如此則器不假人各識賢愚之分物
皆知報何勝犬馬之心

聖宋名賢五百家播芳大全文粹卷第二上

聖宋名賢五百家播芳大全文粹卷二中

表

辭免

郡王 司空 使相 昭文相公 大資

辭免進封郡王表代

曾子固

寵踰於德愧甚於榮輒露危誠仰干睿聽中謝切以衮衣備物禮均上宰之崇土宇分封位列真王之貴非智能足以謀國勞烈足以及人屬在休明詎容玷冒若臣者侗然固陋耿爾穉蒙雖甫逮勝衣習爲容於趨拜而方思就傳賴齒季之漸磨庶幾識古今之通方知國家之大體施於爲已可以持循必也當官旣无違曠已叨分於將鉞復誤假於公圭虛冒洪私未伸薄効敢圖將溼荐及謏微視儀數於三台超爵名於五等旣加真食仍益爰田固非錄善而量能又異校勞而數最將安稱此自顧缺然而况 皇帝陛下處父子之間常先義訓在君臣之際每徇公言伏望察臣精懇之由衷不顧小嫌之反汗許還新命俯遂微情使臣得奉定省於晨昏稍安幼志報生成於天地更待壯年

辭免司空表

王介甫

隆施所逮懇辭弗俞輒冒大威更輸微款中謝臣事勞無紀操行不脩居切萬鍾初未知於辟富坐彌九載方有俟於黜幽豈圖邦命之新尚眷求人之舊寵靈覃被危厲增加位高疾顛力少任重實前修之切戒敢小醜之冒膺仰冀睿明頌辭表朽改爲非服免貽官謗之憂宥以罔功使獲里居之佚

辭免使相表

前人

恩典有加事勞弗稱陳之况難於黽勉輸情終冀於矜哀中謝伏念臣晚出窮鄉首陪輿運恕心量已雖知容膝之易安營職趨時更似絕筋而稱力旣及眊衰而成疾重遭憂累以傷生姑欲補完唯當休惕若任州藩之寄仍兼將相之崇是爲擇地以自營非復籲天之素志伏望追還渙號俯遂愚衷許守本官退依先土豈令積歲參天議於廣朝由賜誤恩食舊勞於外觀尚繫眷獎非敢

干祈

辭免使相表

王介甫

以病自陳庶全於私分蒙恩幸許尚切於隆名淪肌雖荷於優容
省已終難於叨昧輒披情素上冒聰聞中謝伏念臣久玷近司迄
无明効終蒙解免實賴保全自顧衰骸已難勝於勞勩數違明詔
實仰冀於矜憐號兼將相之崇身就里閭之逸悞恩若此前載所
無非惟私義之難分固亦公論之弗與伏望 皇帝陛下深垂簡
照俯徇宸祈特回渙號之已孚許以本官而充使如此則上足以
成陛下徇名之政下足以免愚臣冒寵之慚

辭免使相表

愚誠屢黷方負憂兢聖聽未移更加獎勵故仰開於國體敢終冒
於天威中謝伏念臣頃汙近司久虛大受晚罹疾疢自當辭祿而
里居尚恃眷憐故敢祈恩而家食將相之爲重寄朝野之所具瞻
若免於事任之勞而尸此名器之寵在昔之茂勳明德尚莫敢居

如臣之綿力薄材豈宜非據伏望 陛下俯矜危懇追寢誤恩豈
惟私義之所安是固物情之衆允

辭免昭文相公表

爲君所艱尤謹厥與命相不善將壞于成矧當責實之時敢替知
難之義中謝臣知不足以及遠孝不足以窮深比誤國恩嘗尸宰
事初无薄効稱万一之褒揚止有多言煩再三之辨釋終逃謹負
實賴保全恭惟 皇帝陛下若古以堯之欽明御今以禹之勤儉
矜修積美山無一簣之虧因任致隆臺有九層之累小大祗若遐
迹允懷畚而不蓄雖或許其國事灌以既壘豈不昧於知時况惟
疲曳之餘過重休明之累且用人而過矣固不免於敗材苟改命
而當焉亦何嫌於反汗敢期聖哲俯亮愚忠

辭免資政殿大學士表

錢參政

自天有命無地措躬伏念臣濫廁班行驟膺識擢躡登樞筮參預
政機感超異之遭逢思糜捐而稱塞歲時更歷天日照臨因造膝之

敷陳露乞骸之懇請仰戴慈憐之厚由彰覆護之深昭示隆私寵
頒異數力辭得獲微分少安席未煖於里閭詔促臨於藩屏南徐
効力初靡著於顯庸北闕疏恩已復加於美職深惟忝切倍劇凌
兢敢圖簡記之隆更付保釐之託守籥再經於春首撫封常勵於夙
心罄殫朝暮之微勞酬答乾坤之大造十連無事實自朝謨庶政
罔功方憂吏責退欲申於前牘進忽奉於除書隆名升規殿之新
寵命煥帝綸之舊恩誠厚矣臣實懼焉伏望 皇帝陛下廓淵聽
以下臨鑒愚衷之上達使遂終辭之志不嫌申命之回得請為期
俯躬以俟

辭免資政殿大學士表

恭馳牘奏已罄臣衷故拜璽封未蒙帝可再陳悃悞重犯威尊切
以敬邃宇以崇儒自本朝之建立褒異庸而賜職乃今日之卒行
與既不輕得而為貴因殿額榜題之差次序臣鄰班立之後先既
列綴以冒居復階升而序進疾而恐躡退則能安伏念臣濃受恩

方二中

知恨无報効重膺委寄思有服勞雖食息之靡違勤而無補况
精神之易竭力則難勝眷東西府境之連萃南北軍屯之衆兵民
雜處農賈萃區貴慈惠以拊循要威明而彈壓藉九重之覆若幸
數載以安然毫釐莫積於事功方寸但思於田里寂爾二邦之績
穹然兩殿之華循名既高責實甚淺必難虛授是敢固辭伏望
皇帝陛下照懇避之忱誠賜收還之詔旨施於有政既資助之無
聞必也正名恐祗承而弗副瀆煩冒昧戰越驚惶

門下侍郎

左右丞

起居舍人

吏侍

史官

辭免門下侍郎表

劉 莘老

發政西臺无裨於聖治陞班東省忽霈於恩書揣分未安控詞自
列中謝惟先王制爵祿之等以待賢能而君子謹進退之方必循
禮義臣起於寒晚躡至顯嚴獨恃聖明特達之知不緣黨友更相
之助虛塵近輔更涉累年愚而直者人情之易睽公而固者衆怨
之所聚每幸曲蒙於善貸保此孤危豈敢更冒於誤恩迂其位叙

上乘朝廷陟明黜幽之典下致臣子見得志義之譏伏望 太皇太后陛下謹名器以申大公明勸懲以厲百辟收還成命改授有勞臣無任

辭免門下侍郎表

前人

勞能不聞名品益進懼必投於顛什敢冒貢於誠情中謝臣進德不疆造道甚近逡循尺寸之守遭會聖神之知少負丘山莫報之恩初无丝毫可紀之善粵參大政及今驟至於四迁升實東臺所歷遂周於三省益高股肱之任况備喉舌之司爵視上公邑增真食儻罔功而濫處實累國以起羞伏望 皇帝陛下如日燭幽體天成物察臣表裏之既尽矜臣器量之已盈特收誤恩以允清議

辭免門下侍郎表

蘇子由

又塵右轄無補於時進貳東臺有慙在列言莫宣於誠意聽未感於高明中謝伏念臣頃以虛名謬蒙收錄旋塵近侍非有勞能咀嚙文詞本腐儒之事業彈治邪枉犯衆口之憎嫌及夫進貳文昌日侍軒闥隨衆出入得失何補於万幾奉行文書勉強自慙於期歲此則聖主之所親見孤臣之所自知豈待人言難逃天鑒敢謂超升累級復進崇階雜用負乘行自招於寇盜未嘗符獵食何取於鶉豸伏望 太皇太后陛下因功以奉賢選衆以拔士采其譽者必考其實聽其言者皆原其心如臣空踈自難隱伏特追成命以慰公言使聖朝無失於用人則臣愚若蒙於厚德

辭免門下侍郎表

喉吻之任密侍於禁中綸綍之行風傳於海內苟用人之失當於累上以非輕中謝伏念臣西南陋儒墳史樸李非有過人之大節惟守事君之小心無其實不敢居其名非其任不敢切其祿仕歷三世年逾半生奉以周旋未始失墜今者乃欲以尋尺之材居棟梁之任以斗升之量受鍾鼎之藏雖欲欺君且非本志矧復躡等超累級之上迂秩非舊比之常靖言以思未見其可伏望 皇帝陛下因任庶物照臨百官短長各尺其宜大小無失所養必其力

有餘而後用則其任逾久而常新抑將多士皆賴以安豈惟微臣獨被其賜愚衷已竭天聽尚回

辭免尚書左丞表

劉莘老

竊以國之爵祿以待賢能士之進退必循名義有或異此何以示民中謝伏念臣綿力薄材至愚極陋比蒙誤寵擢備近司之宏遠之規模空銷疲於精銳未嘗小補方俟大訶敢期恩憐更進位序攷其歲月則既非久次課其職業則又无顯勞僅輒冒居實干清議伏望 皇帝陛下慎名器以厲在位明是非以正有功深察誠言許伸愚分無難反汗之命庶拯臨淵之憂

辭免尚書右丞表

蘇子由

臺轄之重國論所存碩惟尺寸之材何與棟梁之選比陳誠懇尚闕俞音中謝伏念臣家世寒儒僅守父兄之樸李文史末技不通邦國之大猷頃自元祐之初偶緣乏使召自南遷之後遽責使言旋由左史而踐絳垣復從右戶以居翰苑迨茲執法曾未數年言

方之中

五

何補於聖明志已殫於憂責以一日遭逢之幸擅諸臣積累之榮方懷滿溢之虞願求閑散之便豈意恩私之橫被復叨丞轄之近班自昔政事之臣非處書生之地既犯不韙其何敢安伏望 皇帝陛下以德愛人量才付位深察斗筭之陋難堪鍾鼎之藏追還誤恩選建明德俾賢愚各安其所則中外無復間言其於微臣受賜多矣

辭免起居舍人表

張文潛

言動之職最近清光儒李之臣以為榮選臣孤平晚進駑散薄材擢自選人實之太學復天祿石渠之職首預選掄紬金匱玉版之書兩領著作功能何有并退所甘加以冒昧史官頗廢歲月論次故事未就簡編何有賢勞遠叨獎擢浸階華近入侍禁嚴內循弱植之易搖實懼多言之可畏敢傾誠懇祈止誤恩免速顛隳更累樂育

辭免吏部侍郎表

邵公濟

聞命震驚聞知所措中謝切以從彙清職賴獻納之中規銓衡刻
曹資疏通之藻駁欲當此選宜得其人如臣涉李非優賦資甚慙
誤叨睿擢進陟臺端雖言聽諫從每蒙於睿擬而力綿責重實懼
於顛擠自知无補於涓埃方欲退忻於閑散豈所庸陋忽玷遷除
仰丐皇明追還渙汗別東求於時彥用少慰於輿情

辭免史官表

秦少游

史屬之除聖朝所慎若非承父兄之教詔世守其官則必積師友
之淵源材充厥職臣於二者實无一堪聞命若驚撫躬增懼重念
臣少而愚賤長更屯奇積累歲時尚慮人情之未與超踰近分豈
爲物議之所容以甚爾不勝任之材處灼然非所居之地必招官
謗上累因私况儒館之出資任高於臣者不少班行於內李術過
於臣者甚多與其容菲薄以濫居不若擇英豪而改授伏望聖慈
追寢新命

三司使

節度使

都督

帥守

辭免權三司使表

蔡君謨

地親任重寵數殊優資薄才微公議非允中謝伏念臣向繇樞職
出治泉山奉高年之慈親還就養於舊里昨承詔旨召還京師屢
降德音不容讓免驅馳百舍之遠趨伏九閭之嚴曾未達於近畿
復遷處於大計天下通流之術非小智可以營爲禁中命令之詞
非空言可以潤飾加以支離之悴久辟浩劇之權今所領者益繁
顧於力而不逮苟失量度是謂暗愚伏望尊號皇帝陛下特收
渙汗之恩更擇長材而用俾違要重庶得安全有祿庇身固能自
足懷忠効國誓竭素心

辭免節度使表

郭師禹

抗章避寵冀回擁節之華賜札疏榮益重循墻之愧俞音尚闕揣
已奚堪敬伸螻蟻之誠存瀆高明之聽臣中謝切以爵爲勸賞蓋
存厲世之方器以褒嘉尤謹假人之戒矧渙號敷廷之制而齊壇
授鉞之儀非有旂常可紀之功曷稱明時甚盛之選伏念臣受材

誦薄賦性顯蒙猥忝舊端濫陞朝著參卮帶高華之列綴甘泉
法從之聯徒以樸忠每蒙睿簡昕朝恪奉曾何益於消埃琳館均
閑采切慚於尸素深良滿盈之咎粗堅止足之私敢謂么微誤舊
顯擢晉公社主腹之異數昭龍光眷獎之非常忝冒難勝顛隲是
懼伏望 皇帝陛下離明委照乾造無私俯垂從欲之仁收還成
渙改昇元勳之彥庶穆奧言

辭免節度使表

汪彥章

引疾辟榮方幸機衡之解疏恩越等遠蒙旌節之頒慄如淵谷之
臨莫測雲天之施輒布由衷之懇仰干方命之誅中謝伏念臣承
季缺如起家寒其早被聖神之遇遂參永弼之司龜勉十年周旋
二省妨賢最久自知罪戾之盈容跡每安實賴恩憐之至比失衛
生之理益懷誤國之憂力丐投閑僅蒙賜可所願退安於散秩敢
圖併授於隆名惟齋鉞臨師乃人主待有功之士而祠庭置使亦
朝廷優元老之臣頃平時猶懼於素飭豈病質乃堪於徽數伏望
皇帝陛下不忘舊物深諒微忠量材能小大之宜及比覆履始終之
意特回渙號驟速煩言未泯餘生尚可筋骸之強誓堅晚節仰酬
軀貌之優

辭免都督江淮軍馬表

張德遠

江淮重寄猥出異恩犬馬餘生蓋安微分輒上臣愚之請未蒙制
可之音中謝伏念臣少不如人老將及耄一士賢百方之衆素乏
修能百里半九十之時仍當末路儻進退不懲於迷復則鬼神將
害於福謙顯羅嘖有之言重玷并包之度况明光之甲雖陳於別
塞而赤白之囊不徹於甘泉分屯已固於長城申命何資於錫鉞
伏望 皇帝陛下擴日月之照推天地之恩俯憐視陰之幾何時
加全護不憚出綸之推反曲賜矜從

辭免資政殿大學士知隆興表

黃德潤

溼螻蟻之誠莫回淵聽煥然綸之布尚闕餘音義不皇安須至再
瀆臣中謝切以陳力就列人臣當自揣諸心量能授官君上亦必

獲與分符敢志進牘爲衆父父知尚謹於問安終日乾乾諒不違於養志

重華宮上 尊號賀 壽成皇后牋

夙昭慈範替揖遜於一時並上徽稱迎延洪於億載慶兼家國喜溢華夷中賀恭惟 壽成皇后殿下德合大明道偕太極克盡嬪虞之懿助成畀妙之高定位取諸乾坤爲而不恃貴名起如日月傳之無窮臣假守遠邦阻趨近綬二南蓋久更形風動之辭十乱已卑空誦才難之訓

慶 上皇壽賀 太上皇后牋

沈 清臣

久日月之照並膺難老之期永弄家之休載講采文之舉式逢歲旦共衍耆齡恭惟 太上皇后陛下輔佐深仁備全至德松椿兩固植國幹之隆昌箕翼齊明炳乾圖之煥耀有美玉卮之對相輝寶牒之光臣敢同普率之心彌切歡呼之慶華封稔旨壽請祝於聖人義易垂辭福受茲于王母

賀 皇太后生辰牋

李 成季

候屬西成屆金方之正氣時生上聖配天德之鴻休聲文所臨舞蹈同底中賀恭惟 太皇太后陛下母儀恭肅坤德靜柔彌成永圖休有顯烈三光明而四時節九功叙而百度熙恢其基業於無垠躋民物於交泰文武之興周道華胥之贊軒圖由是芳風曼超治古臣守職藩佐叨榮聖時觴獻萬年莫預造庭之列心有一節徒傾就日之誠宜益介於延洪庶克符於頌祝

賀 皇太后生辰牋代

秦 少游

考曆占星氣應元英之候稱觴獻壽禮行長樂之宮凡在照臨所同欣抃中賀恭以 皇太后陛下德符坤載位正母儀淵冲自乎生知慈惠本乎天縱彌成文考既隆逮下之風共養太姜益壽者思齊之美內宣陰化日嗣徽音矧當孝治之朝尤崇慶誕之節鼓鍾具舉環珮畢臻歡聲動於宮闈佳氣蟠於觀闕其綏通屬藉叨守近藩匪惟宗族之同榮實與吏民而共慶

獲與分符敢忘進牘爲衆父父知尚謹於問安終日乾乾諒不違

以業信第一

尊號賀壽成皇后牋

內者法行于以 尊號賀壽成皇后牋
辰昭慈範于以 呂相方 一時並上徽稱迎延洪於億載慶兼家國喜
溢華夷中賀恭惟壽成皇后殿下德合大明道偕太極克盡嬪
虞之懿助成畀妣之高定位取諸乾坤爲而不恃貴名起如日月
傳之無窮臣假守遠邦阻趨近綴二南蓋久更形風動之辭十乱
已卑空誦才難之訓

慶上皇壽賀太上皇后牋

沈清臣

久日月之照並膺難老之期永壽家之休載講采文之舉式逢歲
旦共衍耆齡恭惟太上皇后陛下輔佐深仁備全至德松椿兩
固植國幹之隆昌其翼齊明炳乾圖之煥耀有美玉卮之對相輝
寶牒之光臣敢同普率之心彌切歡呼之慶華封稔首壽請祝於
聖人義易垂辭福受茲于王母

賀皇太后生辰牋

李成季

候屬西成屆金方之正氣時生上聖配天德之鴻休聲文所臨舞
蹈同底中賀恭惟太皇太后陛下母儀恭肅坤德靜柔彌成永
圖休有顯烈三光明而四時節九功叙而百度熙恢基業於無垠
躋民物於交泰文武之興周道華胥之贊軒圖由是芳風曼超治
古臣守職藩佐叨榮聖時觴獻萬年莫預造庭之列心有一節徒
傾就日之誠宜益介於延洪庶克符於頌祝

賀皇太后生辰牋代

秦少游

考曆占星氣應元英之候稱觴獻壽禮行長樂之宮凡在照臨所
同欣抃中賀恭以皇太后陛下德符坤載位正母儀淵冲自乎
生知慈惠本乎天縱彌成文考既隆逮下之風共養太姜益著思
齊之美內宣陰化日嗣徽音矧當孝治之朝尤崇慶誕之節鼓鍾
具舉環珮畢臻歡聲動於宮闈佳氣蟠於觀闕其綵通屬籍叨
守近藩匪惟宗族之同榮實與吏民而共慶

唯其當有如濟藩巨屏秘殿隆名甚非么微所克負荷而况適茲
虛次妙於東求豈无方面之才以稱當宁之寄鎮撫所係恩意非
輕猥以屬臣敢不祗命重念臣叨切久矣報塞蕙然雖中外之任不
殊而知能所効則一感洪恩之優渥撫少已以凌兢伏望聖明特
賜俞允重優賢之礼毋以妄加念謀帥之難必求已試

辭免翰林學士知開封表

蔡君謨

大明臨下無遠裔而不均麥露隊霽月雖微物而必潤俯承錫命
弥用震驚伏念臣向自掖垣擢司京邑上賴清光之燭終依全度
之仁厲私便於庭闈遂求補於閩粵尋膺朝綬出守泉山首尾
五年更移兩郡親戚歲時之樂足慰母心汗瑩展省之勤屢躬先
祀非繇孝治之廣曷為天幸之多雖臣賤微感疾滋久藥石攻治
之愈至根本堅牢而未除日月因循筋骸憔悴深畏廣官之責方
潛退處之圖敢謂伏蒙 皇帝陛下曲貸素餐復加恩數禁林近
職儒者最榮都輦要權吏之高選併疏寵渥猥速尋庸揣材幹
之非優碩福基之甚溥苟貽過溢之咎實虧分量之知重念臣仰
違法所之嚴荐易周星之次思出入於首闈每意在於本朝今此
召遠適當趨進然而慈親垂老於義不可以遠行病軀至羸於力
不堪其劇任願特收於成命俾再典於舊封唯是危誠終期得請

進帙

陪位

起復

辭免正議大夫表

司馬君實

中天霈澤近輔書勞亦及罔功豈宜虛受中謝伏念臣素無它技
唯繫孤忠誤蒙累聖之知復服近僚之列頃因人乏進貳宰司先
帝審訓羣臣靡預誓言之末 陛下嗣膺大寶曾無翊戴之勤豈
弗畏於多言詎敢當於懋寵矧乃方任人而立政惟即命以記功
將深戒於官師宜先從於近始伏望 皇帝陛下慎持名器申勸
臣隣收出綍之過恩亮循墻之愚懇爵惟馭貴免上累於至公賞
必及勞蓋率由於舊典

辭免覃恩轉階表代

汪彥章

便藩之寵弗許固辭盡展懼之懷終難安處敢再輸於危懇庶有繫於淵衷中謝伏念臣猥自周行獲陪興運未閱半朞之久已躋二府之崇雖鴻私務極於生成而小器自憂於盈涸矧國步艱難之後茲人臣隕越之時詎可包羞唯知冒進故屢上縋陳之牘願必還汎進之階子雖幸於父知天未從於人欲伏望 皇帝陛下特垂簡炤無徇彛章念微臣事主者既本至誠則聖主待臣者何憂不貴肆頒明詔追寢誤恩免疏達之孤蹤速借差之大矣使鷓鴣共由之路循次而升則桑榆未及之年皆君所賜

辭免南郊陪位表

王介甫

萬國駿奔煒上儀之殊觀一夫幽屏叨明命之特招伏念臣切祿已多冒恩最溼自致惓惓之義實有素情再瞻穆穆之容豈非榮願而茫然暮景嬰以沉痾伏畎畝以負薪於今未已侍壇瑋而踐且用此爲妨

辭免明堂陪位表

歐陽永叔

合宮大啓爰講於上儀明詔忽頒俎祗於嚴力臣被恩言之優渥撫病質以兢榮中謝伏惟 皇帝陛下仁聖聰明憂勤慈儉遂群生而涵育臻至治於和平乃因万物之成秋爰即九筵而展禮陟降薦獻百官以職而各供膺受福釐一人有慶而咸賴而臣近辭印綬方伏田廬當與庶民並家餘澤敢期眷眷尚錄孤孱俾陪在外之臣來預侍祠之列載念臣自緣災疾幸獲退休殆未踰時尚嬰舊苦雖朝廷禮樂之盛得與者爲榮而大馬筋力之衰告疲而已久既不得於策勵姑自信於音屯太史滯於周南惟知數命子牟存於魏闕但極馳心

辭免明堂陪位表

張文潜

明德惟馨方格神於盛禮相予肆祀俄賜召於老臣衰朽知榮兢惶靡措中謝伏惟 皇帝陛下嗣隆聖統躬致太平翼翼文王之小心烝烝虞舜之大孝季秋順序方万物之盛多四方和來喜多士之奔走祗見列聖哀對昊穹敞布政之法宮大明禮樂受丕天

之景貺均被迹遐喜交神人慶浹夷夏凡執事巨憲之末或觀光
輿隸之間足為至榮可以無恨而况臣猥以屏退尚叨記存溫詔
在門外慶有位固願聞舜韶而率舞瞻堯日以傾心而遲暮之餘
衰疲且久筋力已消於疾病才莫及年踈野久放於田間不足為
禮當千歲之接統自滯周南奉半夜之受釐莫趨宣室無階策
勸惟劇飛馳

辭免起復太宰表代

王 豐 父

苦由餘生已瀕死所絲綸渙號俾復書班勅使存臨德音下迨呼
天號絕拊已驚迷伏念臣早偶家艱專承母訓零孑孤苦邈爾无
依鞠躬提携迨夫有立寅緣際遇玷冒高華犬馬之養未伸風木
之悲遽至攀號泣血摧踊殞心仰賴聖神之恩甫終窀穸之事几
寔是奉墳土未乾痛深陟屺之瞻恨未及泉之見敢謂宸衷念舊
優詔奪情蓋三年免懷通喪者聖王之制而踰月視事變禮豈治
世之風雖眷眷之殊常豈私情之所忍伏望 皇帝推孝思而錫
類慎宰柄以馭臣念哀苦之方深况衰疲之已甚報親日少願終
制以為期事因時長願捐軀而未晚

辭免起復太宰表代

方席薪而枕塊於義為安俾服冕而乘軒共知不可哀情荐布宸
聽未回再殫罔極之情冀動蓋高之聽伏念臣猥蒙夫眷誤玷宰
司久無補於明時亟自招於大禍慈顏遽隔悲際駟之難留厚勞
甫成倚苦廬而水慕庶畢哀桐之制少酬願復之恩忽奉制綸俾
還相位私情莫處公議靡容豈可遵故事以蹈前非但當守禮經
而據古是臣重罹酷罰屬在衰年既極摧殘浸成疾恙精神徒
耗筋力頓衰雖強使之造朝決難堪於應務伏望 皇帝委大明
之照閱不移之愚追寢渙恩俾終祥禫則聖主得全於禮貌而孤
臣獲畢其孝思疾首痛心或偷生於茲日銘肝鏤肺期報德於它
時臣無任

辭免起復太宰表

泣血陳辭仰祈聰聽批章示訓尚闕俞音涕泗無從回皇失措伏
念臣才非適世壯本為親蚤困官途頗闕晨昏之奉晚逢真主方
欣甘旨之榮俄纏采棘之悲永負劬勞之報呼天靡及觸地無容
強食勝喪空驚過隙之駟感時追往更傷及哺之烏敢意勅使存
臨德音嗣降雖君命乃固難俟駕而行念人子情不忍短喪而出
矧今耆老在上忠賢繼登外无兵革之虞亦有禮樂之備事得其
序功已告成則為用於愚臣俾固違於典禮伏望 皇帝大
明聖燭至德兼容俾酬慈母之恩俯遂匹夫之志褒非一字已同
華衮之榮並畢三年庶免素冠之刺

聖宋名賢五百家播芳大全文粹卷第二中

聖宋名賢五百家播芳大全文粹卷第二下

謝表

除授

宰相

謝除右僕射表

王介甫

貳政中臺兼官左省惟時遴選蓋嘗又曠而弗除忽此叨居顧豈微勞之可稱陪躬厥邑敷告于廷是皆至榮難以虛辱臣其中謝竊以經術造士實始盛王之時偽說誣民是為衰世之俗蓋上無躬教立道之明辟則下有私李亂治之姦氓然孔氏以羈臣而與未喪之文孟子以游士而承既沒之聖異端雖作精義尚存逮更煨燼之災遂失源流之正章句之文勝質傳注之博溺心此淫辭設行之所由昌而妙道至言之所為隱篤生上主純佑下民成能協乎人謀將聖出乎天縱作於心而害事故斥幾彈通於道以治官延登既衆尚懼膠庠之黎獻未昭典籍之羣疑乃集師儒具論科指繕書來上褒典俯加巨趣操弗高知識尤淺少嘗勤苦但為裘氏之吟晚更老毛裘豈免輪人之議初備使令之乏即知稱慙之難敢意謨恩獨當殊獎此蓋伏遇 皇帝陛下以化民成俗為事故急在誨人以尊德樂道為懷故易於靡爵因忘固陋特假龍光祇服訓辭深惟報禮雖無博季對揚誓旦之鴻名庶以雅言助廣右文之美化臣無任

樞密

謝除樞密表

張全真

視草無聞已玷嚴凝之直出綸甚寵遽倍密宥之謀錫秘殿之隆名進文階之顯秩循墻固避渙汗莫回中謝伏自兵威既挫於北敵之強國勢益微於南渡之後衆類傷弓之鳥將猶飽肉之鷹念郊壘之風塵想籌帷之豪傑時開真主固有以駕馭於英雄事摠天營又有以統臨於將帥至於參貳樞極幾亦奉行文書曾具艱難豈容尸素况如臣者才極下中之品進無左右之容披策讀書姑慙軍旅之末幸蒞官行法粗安州縣之徒勞由誤簡於冕旒遂

濫陪於簪橐任論思獻納之寄訖何補於聰明更文章翰墨之遊
但徧塵於親切每憂踰分屢正投閑敢謂眷札有加鴻私未効付
以本兵之重試其經武之長儻非効節於糜捐何以分憂於宵汗
此蓋伏遇 皇帝撫育萬宇焦勞首為從善如轉圜已兼收於衆
智與人不求備曾罔棄於寸長遂令擣櫟之姿亦廁機衡之任痛
遠人之猾夏終期尺筆之咎來羣策以防秋敢忘寸陰之惜尚幾
小補以答萬分

謝除樞密表

宋 子京

叨膺茂典入筦鴻樞伏省戶以陳章正締囊之收需危掠再瀆明
制必行懼煩失以致尤輒進思而冒處中謝臣聞佐王其命簡在
臣隣秉軸居中本之兵柄非有號令風采為下所瞻則必愒臆謀
謨熙天之載異於茲道孰匪曠官竊念臣材散無庸地寒寡援興
顏行之下因得累勞陪周衛之中罕嘗進熟見容漢皇之度又摠
軒師之營武掌繁機佐經中寢會落成之不日因恭祀以祈天汪

方表二下

滅深仁導迎叶氣而臣弗從災異之免更加名器之多寢嘿懷安
委蛇就列內循無狀自詭必酬何月律之未淹沐天私而載造擢
于末綴遂正近司輒成奏以讓還枉深辭之切敕薄言匪控進拜
增羞助百姓之昭明行虞辱國干六符之疏闊幸畏談天斯蓋
皇帝陛下養以至仁赦其少贖同五帝之親事不及有司俾一介
之孤臣無空大位敢不益勤綿力罔伏舊章期有補於萬分敢自
紆於九殞

謝除樞密表

宋 子京

近叨恩制俾正樞司伏閣上言願還於成命斷章催拜特枉於慈
音固讓莫諧冒居何幸中謝竊念臣液補材散培塿地卑獲對聖
期屢揚劇任敵王所憚既會於偃兵積日之勞何從而塞責洪惟
職覆深諒由衷斯謀斯猷則罕嘗入告子求子取則不議汝瑕由
先帝之舊人貳禁庭之幾事屬圖考室兼議傷功燕寢乃安願
成並享紀年肆省捨爵計功首雁無虧之言已渙于宣之數僭夫

國典布在人言匪謂天眷謬加寵章尤渥靡論竊序超據上游雍
薄訐於危心隔蓋高之善聽光華異等飛抃裝懷三接諮諏未識
主臣之對萬機處可為臻密靖之風乘是泰來缺然虛授此蓋伏
蒙 皇太后陛下道敷善養人不備求負衛綰之軌何取子顏之
謹質特捐厚禮期責寸長願懋賞以不貲誓捐軀而有所

謝除樞密表代

汪彥章

本柄于中又汙樞機之地進班其首更叨綸綍之恩蒙睿鑒之非
常私瑣材而不已安危所繫榮懼交深中謝伏念臣生江湖之鄉
非廊廟之器偶扞防於牧圉蒙記錄於冕旒當中興無文武之才
有慙吉甫乃一見受腹心之寄自比留侯存確推擇之榮遂處彌
諧之任謀參帷幄職總鞬鈴永言國步之屯方賴廟謨之勝外有
交侵之強虜內多竊發之姦民兩河未復於輿圖二聖尚勞於岳
狩非兵莫濟得士斯昌且伊章句之腐儒堪此朝廷之大任茲蓋
伏遇 皇帝陛下治先稽古志在宅中躬堯舜之仁雖欲躋民於
富壽摠高文之憤不忘克己於憂勤詳延左右之臣猥及下中之
品臣敢不兼收羣策務究遠猷念國家嘗膺之憂適當今日且臣
子捐驅之報敢後古人

謝除樞密表

歐陽永叔

右樞虛府充位宜求於雋賢多士盈庭謨選乃先於庸妄既罕
之靡獲徒以寵而為憂中謝伏念臣少本賤愚初無志慮為小人
之事力不勝於負薪程有司之文學止期於干祿過被仁恩之樂
育早從英俊之並遊遂叨侍從之流久玷論思之地方時求治殆
無補於分毫顧質草衰况漸凋於齒髮但思藏縮敢望甄陞矧惟
贊萬事之機必也極一時之選豈容濫得猥以備員當命今之始
行方惶惑以失措而睿恩至渥乃旨甚嚴莫敢懇避之誠徒負貪
榮之媿此蓋伏遇 皇帝陛下廓天地之量垂日月之光憐樸直
之無他謂疲駑之可勉俾承闕乏以効拙勤臣敢不奮勵無能之
交感激難遇之會職思以位庶免於曠官謀不以身少期於報國

謝除參知政事表

楊大年

臣某言臣近者虔拜封章乞歸班列忽奉手詔不賜允俞仰睿旨之丁寧撫微躬而戰慄欲更披於肝膈慮有贖於君親中謝伏念臣孤直寡徒頑踈無取章句之學僅能齒於諸生清白之規固克傳於弈世自策名筮仕陳力當官塵右掖之清華踐內庭之嚴秘乃至典樞機之務參輔弼之司並由旒冕之誤知豈副縉紳之公議小器固難於大受高位唯恐於疾顛夙夜在公雖備使而從事負乘致寇亦踣躄之靡違今者訟起下民辭連執政憲府職當於推鞠獄情遽至於矯誣既閱實以平反爰舉直而措枉已從明辯式正常刑其如中司長官是臣外舅踐文昌六卿之貴昧園扉兩造之辭名珪簡書負較非所實朝倫之共恥在戚屬以何顏是用瀝懇紫庭祈恩丹宸願退歸於散地庶允洽於至公豈謂皇帝陛下推洪覆之深仁示曲成之玄造特頒泥檢俯示綸言徵周書之舊章以其罪不相及推漢高之大度且復待之如初仰承雨露之私內積冰淵之懼瀆尊之罪固不可以再三許國之心但益堅於方寸誓傾臣節上合天慈臣無任

方表一下

四

謝除參知政事表

王瞻叔

備諍臣而論拍蔑著顯庸躋政地以出綸驟膺親擢控誠忱之懇切辱訓誥以頻煩拜命若驚焉省躬甚惕中謝竊以虞舜紹唐堯之緒五臣舉而至治章武王恢周室之基十亂升而大勳立惟輔理承化者非一賢之略必同寅協恭而廣衆正之求矧今三邊未寧庶事多舛民生尚困國是易搖天災時變之占日深資養畏盱食宵衣之慮特軫憂勤陛下妙簡臣隣旁招俊哲列之丞弼責以謀謨蓋將外撫四夷內修百度振藝祖創垂之統酬光堯付託之誠自非兼文武之弛張效忠嘉之啓沃學據古今而通其變才周軍國而措之宜則何以上贊宸猷下符僉論如臣者斗筭小器鈇槩腐儒徒以險阻艱難之備嘗稍諳俗狀故於東西南北之不擇自

勵公程久絕望於榮途復何心於晚節向者召從巴蜀歸覲闕庭
初無左右之容遽被神明之照未更一歲殆及九遷版部銓曹綴
獻納論思之末禁林諫苑充文詞言語之官皆暖席之未遑已抗
獮而于邁心欲爲而不逮者精力勞則有而何補於事功遲休榆
塞之防秋便老菟裘而卒歲敢期僥倖乃爾超逾除二府之自外
方追慶曆名臣之殊遇由七人而參大政實本朝累世之罕聞萃
此寵光若爲負荷茲蓋伏遇 皇帝陛下聖聰旁達睿斷無疑昭
護誣於七政之明定許子於四時之信祗承于帝思鋪張不世之
休無競惟人每夢想非常之士遂令猥瑣亦玷登庸臣敢不鞭策
疲驚支持衰病仰體丁寧之旨對揚特達之知際會風雲方快覩
身嘉之會奉承教令期助成宏遠之規臣無任

謝除參知政事表

歐陽永叔

贊貳國鈞參聞廟論謂且不次而選冀得非常之材迺以叙遷俾
之承乏謨恩過被許讓靡從中謝伏念臣少迫賤貧偶勤孝問儒
者博而寡要况匪多聞文章世之空言豈能適用徒以早遭身嘉
之會驟蒙獎擢之私叨言語侍從之流逮今踰紀玷出納樞機之
任初乏可稱幸先彈理之未加每欲逡巡而引去敢期睿眷俾與
政機優以寵豐進其爵秩望非意及榮與憂并此蓋伏遇 皇帝陛
下堯德聰明禹躬勤儉博求俊乂以濟治康謂臣既樸且愚必能
循於忠謹雖庸而懦尚可策其疲驚猥以備員遂茲冒寵敢不益
堅素守自勉不強惟彈犬馬之勞上答乾坤之造

謝除參知政事表

王介甫

承弼之任賢智所難顧惟缺然何以堪此仰應成命弗獲固辭中
謝竊以古先哲王考慎厥輔皆有一德用成衆功伏惟 皇帝陛
下含獨見之明踐久安之運甫終諒闇將大施爲宜得偉人與圖
庶政如臣者徒以承乏粗知義方本無它長可備官使退安私室
自絕榮塗既負采薪之憂因逃竊位之責大明繼燭正路宏開付
以蕃宣還之侍從清閒之宴或賜開延淺陋所聞每蒙知授以爲

奉令承教庶幾無尤當軸處中良非所稱龍光曲被震媿交環此
蓋伏遇 皇帝陛下德懋旁求志存遠舉隆寬盡下故忠良有以
輸心公聽並觀故護慝不能肆志矧睿謀之天縱方聖治之日躋
思稱所蒙敢忘自竭遠獻經國雖或媿於前脩直道事君期不腹
於素守

謝除昭文相公表

王介甫

承流宣化方虞失職之誅經躋贊元更悞選賢之舉中謝臣竊惟
人物之會通常寡實以君臣之遇合至難自匪同聲氣之求孰能
借功名之享伏惟 皇帝陛下天縱大聖人與成能乘百年久安
之機飾千歲積壞之蠱士誠服矣而持祿養交之習未殄民允懷
矣而樂事勸功之志未純近或長阨而仁義之澤未流遠或虛憍
而道德之威未立宜選於衆舉格于皇天之材使暨乃僚纘由我
高后之事異勝所任以濟斯時而臣蚤見知於隱約之中久獨立
於傾搖之上勳庸弗效恩禮更加託備外藩俯鄰暮歲遂叨詔獎
還冠率司自視羈單所懷蹇淺方古耕築則有其陋為世聘求
則無其賢然以投老之軀而遭難值之運苟貪歲月趣就涓埃且
上之施既光則下之報宜厚與之戮力仰承睿智之臨罔不同心
俯賴忠良之協誓殫疏拙圖稱休明

尚書

侍郎

謝除吏部尚書表

顏師魯

吏曹兼組僅輸累月之勞帝袞疏恩遽涉三銓之首居然就職惕
爾懷慙臣其中謝伏念臣初無適時可用之才徒有泥古不通之
學握從臣之橐俯仰四方使老上之庭往來萬里歎賢勞之何有
荷 聖睠之過優既叨小宰之除復攝冢卿之乏而臣技窮能薄
景迫年侵存騰告老之章未動蓋高之聽敢圖簡記反使甄陞維
天官分典於銓衡而帝伯實提其綱領頃嘗兼掌猶懼弗勝茲命
顛官益虞非據併錫身章之寵仍頒旣乘之珍顧異數之駢蕃將
何功而稱塞茲蓋恭遇 皇帝陛下規模天大睿智日躋照臨博

暨於羣工禮遇尤先於近列知臣樸忠有守寒松不改於凋年於
臣氣力未衰老馬或諳於故道廼頌茂渥猥及微蹤臣謹當仰體
隆私益堅晚節壯心雖在詎敢受於禁捐來日無多終願祈求於
閑退

謝除禮部尚書表

王 蘭

外間暫分遽還歸於駟召昕朝甫對即擢長於春官席寵逾涯撫
躬增懼臣中謝伏念臣舊身孤遠逢世休明仕不因人終始皆蒙
於睿簡才非適用險夷但信於愚忠去國倚薦起宇臨鎮豹尾隔
四年之從麟符專一道之權問田里之嘆愁具知疾苦頒詔條之
寬大方究撫綏敢圖宣室之興思誤玷中臺之率屬跡陪鶴鷺祝
疑夢寐之回復上星辰頓覺依乘之近被服章之安吉引駒轡之
閑馳榮渥併加微軀難稱效蓋伏過 皇帝陛下宣聰建極知哲
能官聚英雋以尊朝蓋為本根之慮咨直清而典禮不徒玉帛之
云退省迂儒曷雁妙選臣敢不益堅素守仰副隆知願維斗喉舌
之司當勤出納如秘旨古禮文之事敢廢討論

謝除刑部尚書表

歐陽 永叔

職清書殿實為儒者之榮豈峻天臺仍忝刑官之重內循謝薄仰
玷光華中謝伏念臣稟質迂愚粗知業履因時幸會遂切寵靈燕
拾遺補闕之勤常陪法從非大冊高文之手又則翰林晚綴宰察
裨聞國論荷三朝之眷遇每察懦衷幸四海之清平得容戶祿居
滿盈而不戒積災釁以自貽屬聖統之嗣興赫皇明而繼照誣言
詰服已大釋於羣疑危跡保全裨不虧於素守犬馬合思於報効
桑榆奈迫於衰遲屢貢懇私上干聰睿遂蒙開允裨解繁機然而
晚節餘生本期避寵清貧顯秩益更貪榮被優渥之非常但凌兢
而失措此蓋伏遇 皇帝陛下聖神御極育推仁閱孤拙之勢
危無容自立謂疲駑之力竭難責遠圖曲軫至慈俯從誠請仍憐
舊物特示殊恩顧非木石之頑宜識乾坤之造颯然素領雖難強
於筋骸皎若丹心猶自期於塵露

謝除吏部侍郎表

歐陽永叔

驟膺渙號備瀝愚誠雖至辭窮罔避煩言之爲黷重乎公出莫回成命於已行祇受以還驚惶失節中謝伏念臣學不通於原本材不足以經綸但知守拙以爲忠每務師心而自信徒以遭逢先帝拔自衆人參侍從之聯遂玷機衡之貳而屬大橫啓兆嗣統膺期方爲政之清明思百度之脩理內量調薄寔憂以聖而責愚躬迫衰殘方念乞身而告病不謂皇慈曲被寵數屢加當覃大慶之初已無功而冒賞曾未踰年之久復進秩以叨榮此蓋伏遇 皇帝陛下聖政惟新用人務廣謂才難於求備思悅使以忘勞憫其勤劬錫以優洽雖榮踰於望表亦寵與其憂并並羶犬馬之微少荅乾坤之造

謝除戶部侍郎表

蘇子由

掖垣清閑奉鈔槩以媿安民部劇煩以金穀而爲職事非素學命不獲辭中謝伏念臣起於南裔曾未再暮擢在近班訖無少補開口論事適宸心延納之初引筆代言非書命縱橫之際切祿而已功何足云計日以言時亦未幾方自憂於汰去豈復意於超升此蓋伏遇 太皇太后陛下仁聖無爲靜深照物坐閱工師之衆灼知情僞之端察臣朴愚憐臣孤遠才雖未能以應務性則不喜於爲邪試之劇曹冀其來効然臣觀當今右部之政正值昔日新法之餘召募憂於殘荒差繇患於戶少事旣難辦法當通方尚賴聖筭之明稍寬民力之備臣之踈拙徒自勉強苟少緩於瘡痍亦圖報之萬一

謝除戶部侍郎表

晁无咎

典三禮於曲臺已冒高華之選貳六卿於民部遽登峻近之班力陳祈免之忱辭終奉莫回之溫詔爰賜九環之帶仍頒列采之衣寵賁其蕃凌兢失措中謝伏念臣初無時譽獨有家聲莫傳屋壁之遺編僅繼山林之末續好爲異論每與世踈喜作文章務求古合低徊平進坎坷數奇事鈔斲於書林樂絃歌於學省曳裾而位

王傳佩玉以陪禮官之賤奏之躬而掌端錦於南宮非應接之才而駕輅車於北道寅緣賜對懇切獻忠明言趙魏之郊寇攘孔熾極論幽燕之域疆場弛嚴謂新民右祖之可防繇大酋左任之不憂荷上皇之嘉納仰聖度之優容偶追邦刑亟遷宰旅徒悉心於綱目曾何補於彌綸圍城之變忽生造膝之言良驗自罹兵革益困簡書息志摧頽形神彫耗獲辭劇任復處清流因贊道而覩二聖之重勸預討論而創兩宮之新禮國步稍定私志或伸念八載之居中丐一麾而補外居叨異數俾踐禁途超跳等夷愧負流輩惟常平之美號本廣惠之舊規加損益於前朝浸乖隳於今日儲畜竭公私之橫費新陳乘散斂之虛名方師旅之未寧慮水旱之或繼田廬戕毀以幾盡老稚流徙而不歸要當貸而不償是謂積而能散極茲古弊宜屬俊良茂聞下才克堪重寄此蓋伏遇 皇帝陛下天臨九有子育羣黎攬英俊之奇謀共裨初載監祖宗之成憲圖致中興念臣專意藝文蓋將試以吏治察臣粗知臚要或可備於從官臣敢不仰稱所蒙俯修厥職錢穀之間其不至於廟堂補助之仁願廣推於寰海雖簿書期會之是務且論思獻納之敢志披黃卷以接聖賢顧尚存於舊習賜金魚而因政事切自比於昔人

謝除戶部侍郎表

歐陽永叔

皇明繼照如日之升睿澤濔流溥天成被時惟朽懦亦玷光華中謝伏念臣本以庸虛僅知孝問識不周於時用材莫逮於中人方其壯年喜論時事名聲濫得招謗終以借來榮寵踰涯蹈憂危而亦至晚被先朝之誤擬俾陪二府之後塵居無補於休明方自期於引避遽號弓而結恨雖殞軀以何追伏遇 皇帝陛下奮發乾剛嗣承天統當茂業繼文之始及歡謳歸政之初宗社獲安人神洽慶矧惟新之號令方無間於幽遐顧於茲時其敢獨異俯從祗受但益凌兢臣敢不勉勵衰殘感遇今昔更竭疲駑之効庶伸鹿素路之微

謝除禮部侍郎表

張全真

病衰自列念無補於艱危睿眷兼容尚叨塵於嚴近循墻莫獲騰
地難勝中謝伏念臣籍第於上皇臨御之初又服勞於州縣賜對
於陛下中興之日遂叨侍於冕旒游充耳目之官圖竭股肱之力
愚非一得窮有百罹精神疲於思慮之煩疾疢甚於驚憂之後力
致顛天之懇仰丐投閑敢懷擇地之私但期追責逮辭榮於專席
乃承之於貳卿將使論思則已試罔功復有曠瘵之懼止充負品
則于時多故豈無尸素之慙具瀕危衷繼申前請敢謂包荒之度
時寬犯上之誅傳溫詔之褒揚由煩近弼察寒蹤之孤藐留直本
朝仰厚惠之不貲揆初心而有覲強顏就列力疾造廷此蓋伏遇
皇帝駕馭英豪而大有為拔去凶邪而罔不服優容臺諫擊通遐
迹之情眷禮臣隣曲盡始終之遇願茲最質亦玷鴻私念正人端
士之言書紳自勵報厚地隆天之施刻骨為銘

謝除兵部侍郎表

汪彥章

東省樞官方祈病免中臺分掌乃謬優遷資逢世以非且寵餘注
而益具中謝伏念臣江湖遐裔章句小儒才木過庸僅及下中之
品學雖忘老安知左右之原偶陪多士之升幸備公朝之選徧涉
清貫遂綴迹聯旋遭值於干戈獲奉承於羈勒才因事見初無橫
草之功災與衰期乃有負薪之疾屢投誠於魏闕將歸卧於漳濱
猥蒙內史之書俾貳文昌之秩戎昭所繫儒緩奚堪茲蓋伏遇
皇帝陛下睿智有臨憂勤無逸光復祖宗之舊既已配天兼收文
武之長未嘗愒日唯臣瑣質賀國明恩竭股肱之力而徒有此心
譬履背之毛而何裨於用耗糜廩食羞愧神明不辭勉効於秋
毫願恐溢先於朝露周六典治凡之職雖幸叨居漢九卿賜告之
恩終期得請

謝除兵部侍郎表

呂安老

荷恩深厚撫已驚慙中謝竊以六部貳卿九重從列非老且老又次
不任倚毗惟師友淵源始堪獻納况屬艱危之運而躡英俊

之躔士以爲榮時所宜重如臣者至愚極陋多所負少文抗志雖慕於古人周已不逮於時輩徒襲舊章嘗聞師言以謂君子之仁貴克己以濟物至若人臣之義在尊主以比民有志於道德則功名自來無資於國家則爵祿可事在勉強奉以周旋顧險阻之備嘗守迂愚而自信頃從疎迹數曾親除當言責於渡江再造之初奉使事於羣盜紛起之際出入帥閫陪大將以宣威入綴首聯佐弼臣而布治坐閱歲時之久蔑聞尺寸之勞方草疏以投誠覬請郡以自効豈期僥倖有此超踰此蓋伏遇 皇帝陛下道法祖宗功加寰海思起大化辨邪正以審官務抑虛名分勤怠而察吏知臣不善於諂媚謂臣稍歷於劇煩故略其愚欲試以用受知如此論報謂何臣敢不仰服訓詞蓋堅素履深惟志士殺身以成仁忍劬鄙夫既得而患失

謝除刑部侍郎表

任 文薦

伏奉 御筆除臣刑部侍郎尋具狀辭免蒙降詔不允者坐謫

方表下

十一

南州猶佩左符之寵歸瞻北闕載頒細札之優顧遭遇之踰涯但戰兢而出涕臣其中謝伏念臣學由總角仕已華顛姑惟竊祿以安貧詎識取塗而據要若膺簡拔皆越等夷成均教導之官初慙虛受法從論思之地亦輒冒居天地之施無私螻蟻之誠曷報未知死所敢望生還昨者封疆與賊爲隣保伍科民督戰先擒賊將稍振軍聲設險則高壘深溝濟師則飛芻輓粟寸心勞瘁左臂病孳方願投閑遠蒙趣召茲蓋伏遇 皇帝陛下軫念舊物開示大公察其遜志之勤宜有尊父之節試中執法既收無用之言擢以司刑更責後來之効臣敢不益思許國毋憚殺身第虞衰疾之侵終遂退休之請

謝除工部侍郎表

秦 少游

入司太僕已漸稱效之虛進貳冬官尤愧選掄之誤顧叨塵之已甚念辭避之弗容承命惟驚撫躬以懼中謝伏念臣身承家訓世受國恩荷先朝特達之知蒙二聖生成之賜左選都司之要

既獲備負內閣祕殿之嚴更容通籍以至外專兩郡內閱三卿徒
為歲月之淹莫見事功之學方虞寵黜退伏於田廬敢意推遷遽
陪於法從材微任過恩重報難此蓋伏遇 皇帝陛下盛德海涵
至仁天覆以臣父某歷四朝而被遇登三事以退居知父子至情
欲慰桑榆之景念君臣難遇遂收管蒯之才豈惟一敝族之榮時
乃百執事之勸臣敢不鞭策駑蹇淬礪鈍頑以捐軀報國之誠
為竭力事親之義

謝除男工部侍郎表代

邵公濟

下臣備位未施橫草之勞賤息蒙恩驟綴持荷之列更煩溫勅莫
遂牢辭仰戴寵靈俯添感涕中謝伏念臣家聲寥落門望單平
高曾繼世決科迄陸沉於州縣父祖同時抗賊咸身沒於邊陲敢
期草芥之微迺際風雲之會起家事主歷時俄冠於孤卿教子讀
書接踵亦登於省寺超踰若此人其謂何反復思之今不翅足荷
聖恩之隆厚被親擢之光榮叨塵起部之聯密勿甘泉之侍之

相顧共知雨露之偏隕首為期曷稱乾坤之造茲蓋伏遇 皇帝
陛下慎持八柄允釐百工有求忠臣於孝子之門使奏薄技於從
官之內必當其位師師言具於羣才亦及爾私瑣瑣或塵於膺仕
肆令之庶獲玷清華臣敢不祗服訓詞相勉忠義仰祈奚幸子之
意曷繼前修慕孤突事君之言少圖後效庶殫駁報用答洪私

聖宋名賢五百家播芳大全文粹卷第二下

